


Feol. 2804.

Clemens



SANCTISSIMI IN CHRISTO PATRIS
ET DOMINI NOSTRI DOMINI
CLEMENTIS
DIVINA PROVIDENTIA
PAPÆ XIII.
LITERÆ DECRETALES

Super
CANONIZATIONE
B. JOHANNIS CANTII


Presbyteri Sacularis, & in Universitate Academia Cracoviensis,
Sacrae Theologiae Doctoris & Professoris.



ROMÆ MDCCLXVII.
Ex Typographia Reverendæ Camerae Apostolicæ.

40019
Ib

E
pei
ent
the
den
run
ad
adv
sine
dod
bus
dis
mi
ban
ten
qu
nib



CLEMENS EPISCOPUS
SERVUS SERVORUM DEI

Ad perpetuam rei memoriam.

Ecclēsiā suā DEUS veluti munitissimā
quandam arcem ita instruxit, ut mille clypei
pendeant ex ea, omnis armatura fortium; cly-
pei autem, atq; arma ejusmodi sunt zelus, & sci-
entia Doctorum, qui sanam doctrinam, vel è Ca-
thēdra, vel è suggestu tradendam suscipiunt, ean-
demq; ut facile in animos influat, integritate mo-
rum, & vitæ sanctitate commendant. Nimirum
ad Ecclesiā tuendam, ne portæ Inferi prævaleant
adversus eam, neq; doctrina satis habet auctoritatis
sine sanctitate, & sanctitas majus habet roboris cum
doctrina conjuncta. Samaritanis impedire conanti-
bus ne Israelitæ reduces è captivitate Hierosolymæ
dissecta mœnia reficerent, ii, quibus instauratio com-
missa erat, una manu faciebant opus, altera tene-
bant gladium: atq; hos quidem imitati sunt quovis
tempore, & quotidie imitantur egregii Doctores,
quos subinde DEUS excitat, in iis præsertim regio-
nibus, quæ ab Ecclesiæ hostibus, cujusmodi sunt

Hæretici, atq; Schismatici, tanquam à Samaritis quibusdam Hierosolymæ infensis, & contumaciter adversantibus circumvallantur. Porro inter ejusmodi egregios viros doctrinâ, & sanctitate præstantes, qui facerent simul, & docerent, atq; Orthodoxam fidem ab hisce adversariis nequissimis oppugnatam defenderent, dignum certe qui numeretur in paucis **BEATUM JOHANNEM CANTIUM** fuisse nemo ambiget, qui eundem noverit in Cracoviensi Academia purissimo haustam è fonte scientiam tradidisse quum per ea tempora in aliis non longe distitis regionibus hæreses, & schismata grassarentur, & sanctiorem morum disciplinam, quam concionando è suggestu explicare populo satagebat, humilitate, castimonia, misericordia, corporis afflictatione, cæterisq; integerrimi Sacerdotis, & strenui operarii virtutibus confirmasse. Itaq; non modo illius Academiæ Professoribus ornamentum, ac decus addidit singulare, sed exemplum etiam mirifice profuturum reliquit cæteris omnibus, qui in simili munere versantur, ut perfecti doctoris obire munus impigre studeant, & scientiam Sanctorum simul cum aliis facultatibus, quæ velut ancille illi subveniant, ad unius Dei laudem & gloriâ docere omni studio, atq; ope nitantur. Ipse interea **BEATUS JOHANNES** decoratam olim suis virtutibus Academiam, propitius ab alto respicere numquam desinet, & inclytam Nationem suam Orthodoxæ Romanæ Fidei

non modo cultricem egregiam, sed validam etiam propugnatricem perenni suo patrocinio fovebit, ac proteget. Quocirca cum BEATUS JOHANNES CANTIUS scientiæ studium ad unius Dei laudem, & gloriam referens, lucerna extiterit in Ecclesia Dei ardens, & lucens, nec minus editis post mortem, miraculis, quam in vita virtutibus coruscaverit; Nos proinde, post eam, quam rei gravitas postulabat, accuratam, ac diuturnam virtutum, & miraculorum discussionem, adhibitis in consilium Venerabilibus Fratribus Nostriſ S. R. E. Cardinalibus, necnon Patriarchis, plurimisq; Archiepiscopis, & Episcopis in Urbe congregatis, atq; inprimis Patre luminum pie, atq; humiliter invocato, eundem BEATUM JOHANNEM Sanctorum in numerum referendum, atq; in Ecclesia Dei venerandum & colendum esse decernimus, definimus, & declaramus.

In Oppido Kentii Cracoviensis Diæcesis BEATUS JOHANNES CANTIUS ex illustribus consulari genere, & Christiana pietate Parentibus natus est die Junii xxiv. anno supra millesimum tercentesimo nonagesimo septimo, sedulam educationem cum indole egregia conjunctam secuta est, ut assolet, innocentia singularis, atq; ea morum gravitas, ut virum quodammodo in puero mirari liceret. Artibus iis, quibus pueritia ad humanitatem informari solet, latis excultus ad Cracoviensem Academiam, non ita pridem fundatam, missus est, ut Philosophi-

cas, ac Theologicas facultates addisceret. Et quidem in iis ingenii acumine & laboris patientia præceteris tantum profecit, ut in Philosophia eximium honoris gradum, in Theologia Doctoris, non lauream modo, sed munus etiam adsequeretur. Id autem munus, & ex Cathedra, & è sacris rostris ita obibat, ut auditorum animi cum pura, sinceraq; doctrina studium pietatis & religionis insereret. Atq; hæc quidem doctrinæ sinceritas Romanæ Ecclesiæ plane consentiens, eo pluris facienda erat, quod per ea tempora præsentissimum veluti pharmacum erat adversus errorum, atq; heresum luem, quæ Hollandiæ, Britannia, & Germaniæ Scholas infecerat. Porro tanta illius, tum doctrinæ, tum vitæ integritas præclaro signo divinitus ostensa est. Quum enim exorto Cracoviæ incendio flammæ in immensum excrecentes ita serperent, ut universa mox Civitas absumenda videretur, effusus in preces JOHANNES, (quandoquidē in humana vi spes nulla jam erat) virum sibi maturum ævo, adpectu venerandum, Sanctum Stanislaum Cracoviensem Episcopum esse opinio fuit, adstantem vidit, ex eoq; intellexit, incendium ultra non processurum: Ceterum moneret cives, ut à flagitiis desisterent: si secus faxint poenas imminere longe graviores. Verum, cum cives prædictionis immemores, ad ingenium & pristinos mores redissent, excitatum rursus incendium Civitatem magna ex parte consumpsit.

Sacris

Sacris Mysteriis quotidie JOHANNES tanto animi ardore, atq; inde emicante pietatis specie operari solebat, ut iis, qui aderant, summam erga rem Divinam venerationem ingereret. Quod quum adversarius humani generis ferre non posset, quadam die hirundinis assumpta specie, templum circumvolitans adstantium mentes turbare, atq; alio avertere conabatur. Itaq; ut omnes viderent quod divinitus ipse noverat apprehensam avem ad terram allidit. Ibi autem illa in colubrum versa horripido sibilo ex oculis confestim sese subduxit. Religioni, qua res Divinas tractabat, humilitas adjuncta erat, qua sibi vilescens nemini unquam, tametsi scientia omnium facile princeps, præferere sese, quin etiam sperni se ab omnibus ac despici optabat; tantum aberat ut obtrectantes sibi (quod aliquando evenit) suiq; contemptores parum æquo animo ferret. Quæ causa etiam fuit, cur delatos sibi honores declinaturus, vilis, atq; egeni hominis habitu, longas pedestri semper itinere, semel ad Sancta Palestinæ loca, quater ad Sancta Apostolorum limina peregrinationes susciperet. Humilitatis comes erat rara quædam ac puero digna simplicitas: itaq; in factis ejus, ac dictis nihil subdolum, nihil fictum: quod clausum habebat in pectore, hoc lingua promptum habebat. Hujus autem eximie sinceritatis, quam nemo non nosset, illud sine specimen fuit plane admirandum. In Latrones incidit, qui post ereptam, quam in cru-

mena

mena gerebat pecuniam, num quæ alia superesset; interrogarent. Negat ipse quidquam reliqui esse: At mox reminiscens aureos quosdam in veste sub futos habere, revocatis latronibus, illos etiam qui animo exciderant offerrebat. Tam inusitata sinceritas perditorum quoq; animos flexit. Itaq; obstupesci pecuniâ, quam abstulerant, statim reddita, veniam sceleris poscunt, illius se precibus commendant, utrumq; facile impetrant à Sancto Viro.

Parœciam sibi delatam aliquandiu diligentissime administravit; sed quamvis Pastoris quæ sunt officia sedulo expleret, pro ea qua erat meticulosa conscientia, ratus negotium esse periculi plenum, dimisit, & consuetum in Collegio docendi munus repetere tutius existimavit. Abstinentiæ deditus, post adeptam Theologiæ lauream, carnes nunquam comedit. Cæterum cibus illi parcissimus, crebra jejunia, flagrorum frequens, perpetuus cilicii usus, somnus brevis admodum nuda super humo, in senectute duntaxat ursina pelle substrata. Castitatem proinde, tum animi, tum corporis illibatam servavit; illiusq; argumentum item & præmium fuit candidum sertum, quo illum Deipara Virgo cum puero Jesu sese conspiciendam exhibens, tanquam eximium clientem suum decoravit. A peccato abhorruit quam qui maxime. Leves noxas ita desiebat, ut gravium reus criminum videretur. Si quam forte è verbis suis, dum vera loquitur, ortam in aliis offensionem suspi-

suspiciarētur, antequam ad Aram accederet, supplex
veniam, non tam sui, quàm alieni erroris petebat,
quum contra, quæ sibi ab aliis ingerebantur convi-
tia, & probra, æquo, & miti animo ferret. Jam
verò misericordiæ in proximos nullum ferme offi-
cium fuit, quod non amantissimè obiret. Afflictos
in spem erigere, marentes alloquiò solari, peregrin-
os excipere, carceribus inclusos visitare, pauperes
quotannis còemptis vestibùs operire solenne illi erat,
ita quidem, ut occurrenti per viam mendico, qui
nudis pedibùs incedebat, detraheret sibi calceos, ut
nuditatem illius operiret, suam ipse interea conte-
gens pallio tamdiu dum se domum reciperet. Die
nascenti Domino sacra, dum ad Ecclesiam pergir,
pauperem nactus super nive rigentem gelu, lamen-
tabili subsidium poscentis voce commotus, sua illum
veste contexit, quam tamen mox domum reversus
suo in cubiculo divinitus reperit. Ex hac JOHAN-
NIS in pauperes caritate, in Cracoviente Collegium
pia & laudabilis, quæ ad hanc usq; diem manet
consuetudo, inducta est, ut illius Professores unum
aliquem quotidie pauperem communi secum pran-
dio adhiberent, perinde quasi in illius persona Chri-
stum ipsum convivam habeant. Hanc autem tam
egregiam animi affectionem, qua pius Sacerdos nul-
lam proximorum calamitatem alienam ab se puta-
bat, insigni miraculo DEUS comprobavit. Quum
enim ancilla quædam ob situlam, quam lacte ple-

nam gerebat, lapsam è manibus, & con fractam gemit, quod heræ ob jurgationes timeret, IOHAN- NES miseratione ductus, collectis fragmentis, & coagmentatis, pristinae integritati reddidit, fufis ad Deum precibus, iisdemq; mox aquam, qua situlam impleri iussit, in lac commutavit.

Christum Dominum pro salute nostra tam dira atq; infanda perpessum, & meditabatur assidue, & flagrantissime redamabat: quem quidem amorem, ut simul incenderet, & expleret, ad memoranda Christi tormentis loca Hierosolymam pedibus iter suscepit. Ibi autem dici vix potest, quam reverenter, quam piè, quam ardentè, non sine gemitu, & lacrymis monumenta Servatoris nostri maximè insignia perlustraret. Nec vero tenere se potuit, quin Turcarum impietatem ac perfidiam argueret, & Christianæ Religionis veritatem liberrimè prædicaret; præclarè secum agi existimans, si ob eam rem vitam, quod maximè optabat, profundere contigisset. Ante Imaginem Crucifixi Domini ipsas prope noctes orando insumebat, atq; in longas non semel extases rapiebatur. Per diem vero, postquam suo munere perfunctus esset, è Lyceo statim rectè in Templum, ubi ante Christum in Eucharistia latentem contemplationes ac preces diu protrahebat. Omnino unus in corde, unus in ore DEUS erat. Hunc autem pium animi ardorem ut foveret in dies, atq; auget, cum Sanctis quibusdam Viris, qui
per

per id tempus virtute florebat, versari, & colloqui
gestiebat, & quæ in illis summa erant suspiciens
emulabatur.

Sed satis jam in vinea Domini operarius impi-
ger laboraverat. Tempus aderat mercedis accipien-
dæ: itaq; è languore corporis præsentiens JOHANNES,
mortem haud procul abesse, in eo totus fuit, ut ad
felicem se exitum compararet, ac primum miseri-
cordiâ in pauperes, in quos quidquid domi supere-
rat, erogavit; Divinam sibi misericordiam magis ma-
gisq; conciliavit, tum Confessione Sacramentali, si
quæ erant conscientiæ labe abterisit, & Sanctissimo
Christi Corpore refectus lecto decubuit. Ingrave-
scens morbus non metum, sed spem afferebat. Ni-
hil enim optabat magis, quam, ut quantocius ab
exilio migraret ad Patriam. Divino tandem via-
tico roboratus, post salutaria monita, quibus Colle-
gas ad omnia Christianæ virtutis, ac præcipuè ca-
ritatis officia inflammavit, ad quos anhelabat, Chri-
sti Jesu amplexus feliciter evolavit die xxiv. De-
cembris, Anno reparatæ salutis MCCCCLXXIII. cum
annum ageret septuagesimum sextum.

Sancti Viri Corpus Cives Cracovienses ad Eccle-
siam delatum magno æque mærore, atq; honore
sunt prosequuti, ac tum præsertim, quum illius san-
ctitas, tametsi satis perspecta clariùs capit miracu-
lis explendescere. Veneratio præterea major ac-
cessit ex odore quodam suavissimo, quem centum

8
triginta post annos à beato ejusdem obitu, reclusa
urnâ sepulchrali efflavit, cujus rei testes fide digni
extiterunt. Porro purpuream CANTII vestem (Re-
verendam vocant) religioſe aſſervatam, induere so-
let quisquis Philosophiæ recens Decanus, ſolemne
dicit juſjurandum, ut una cum veſte videlicet tanti
olim Magiſtri, mores quoquomodo & virtutem
induat.

Percrebriſcens de ſanctitate, & miraculis fama
Epiſcopum Cracovienſem impulit, ut Proceſſum de
utriuſq; conficeret, eoq; rite diſcuſſo ſa: me: Urbanus
PP. VIII. Prædeceſſor Noſter negotium commiſit
Congregationi Sacrorum Rituum, illud præcipiens,
ut omiſſa generali, ſpeciale duntaxat quæſtionem
inſtitueret, quod cum factum non eſſet, cauſa ſiluit
ad annum uſq; MDCLXVI. Quo tandem fel. record:
Alexandri PP. VII. etiam Prædeceſſoris Noſtri juſſu
prævio Rituum Congregationis conſilio, cauſa ite-
rum tractari cepit, ſed propter edita dicti Urbani
Prædeceſſoris decreta, neceſſe fuit expediri litteras
remiſſoriales ad conficiendum proceſſum ſuper cul-
tu immemorabili Beati Viri, per quem videlicet ab
Urbani decretis fieret exceptio. Hujusmodi autem
cultus approbatio in eadem Congregatione prodiit
die xx. Maji MDCLXXVI. Expeditis ſubinde novis
litteris remiſſorialibus pro inſtituenda quæſtione ſpe-
ciali, inter hæc Prædeceſſor quoq; Noſter ven. me.
Innocentius XI. die xxvii. Septembris Anni MDCLXXX.
Polonia.

Poloniæ Regis votis indulſit, ut anniverſaria die B. JOHANNIS Officiũ & Miſſa ſub ritu duplici in Urbe Cracoviæ, atq; in univerſo Poloniæ Regno recitari, ac celebrari poſſet: Quæ tamen B. JOHANNIS veneranda memoria per Sacrorum Rituum Congregationem paulo poſt juſtis de cauſis tranſlata fuit ad diem XIX. Octobris. Sub hæc abſoluto Proceſſu ſpecialis Inquiſitionis, validoq; comperito, quum ſcripta quædam in Proceſſu compulſata B. JOHANNI CANTIO falſò tribuerentur, eadem Rituum Congregatio declaravit die XVII. Septembris MDCCLXXX. Non conſtare quòd opera in Proceſſu Apoſtolico compulſata BEATO attributa, eſſent ipſius BEATI; ideo procedi poſſe ad ulteriora. Die poſtea IV. Julii MDCCLXXXIII. eadem Congregatio virtutum heroicarum excellentiam aſſeruit, atq; approbavit.

Inter hæc B. JOHANNES electus fuit in Com-
patronum principalem Regni Poloniæ, & Magni Du-
catus Lithuanix, eamq; electionem ipſa Rituum
Congregatio ratam habuit Die XVI. Februarii
MDCCLXXXVII. conceſſo præterea officio ſub ritu du-
plici primæ claiſis cum octava, ac die XXXI. Martii
MDCCLXXXIX. Oratione & Lectionibus propriis ſecun-
di Nocturni de eodem probatis.

Porro ventum eſt ad examen duorum miracu-
lorum, quæ B. JOHANNIS interceſſione divinitus pa-
trata ferebantur, & primum quidem illa in genera-

li Con-

li Congregatione Die III. Mensis Augusti Anni
MDCCLV. coram fel: record: Benedicto XIV. dein-
de in particulari coram Nobis die XXII. Aprilis su-
perioris anni perpenſa fuere: Et quamvis omnium
ſuffragantium vota in affirmantem ſententiam con-
venirent; nihil tamen Nobis ſtatuendum viſum fu-
it, donec ſuper aliis miraculis coram Nobis in ſi-
mili generali Congregatione examinandis commu-
nes animi ſenſus percepiffemus. Quum igitur die II.
Mensis Decembris ejuſdem anni MDCCLXVI. ſuper no-
vis Miraculis ſimilis generalis Congregatio coram
Nobis coacta fuiſſet, quamquam cunctis ſuffragiis
digna omnino viſa eſſent, quæ probarentur, nihilo-
minus ad Divinam implorandam opem, & ſupernæ
gratiæ lumen, eorum approbationem ad Kalendas
Januarii Mensis proximè elapſi diſtulimus. Quæ
quidem dies Circumſiſioni Dominicæ, & Auguſtiſſi-
mo JESU Nomini conſecrata ad eam rem maxi-
mè opportuna videbatur. Quatuor autem ex pro-
poſitis Miraculis in tertio genere probavimus, &
hæc ſunt.

Primum, Instantanea ſanatio pueri Seballiani
Luzark à tranſmiſſa vitio Parentum & confirmata
phthiſi. Alterum, ſubita ſanatio puellæ Hedvigis
Paſkowna ab acuta febrî cum integra atq; abſoluta
virium inſtauratione. Tertium, impetrata momen-
to temporis ſanatio Mariæ Gawlikæ ob gravem
perniciſam febrêm in extremum vitæ diſcrimen
addu-

adductæ. Quartum, subita, & perfecta sanatio Antonii Olexowicz à grandi, & profundo ulcere, quod à jugulo ad fauces usq; perductum præter tendines, & majora vasa nihil intactum reliquerat, & fætidissima sanie scatebat cum dejectione alimentorum è parte gutturis perforata. His autem accedit unum in secundo genere; cujusmodi est: mercium, in flumen Soła prolapsarum, & procul aquarum impetu & vi raptarum, ad locum, ubi demersæ fuerant aduerso flumine regressus.

Quæ cum ita se haberent, Nos, fufis ad Deum precibus, ut, menti nostræ necessaria ab eo lux affulgeret, tandem die II. Februarii vertentis anni, quæ dies Purificatæ Virgini Deiparæ sacra est, Decretum Canonizationis: B. JOHANNIS CANTII. quandoquæ; peragendæ pronuntiavimus.

Cumq; alias Christiani Principes, quampluresq; Episcopi, & Poloniæ Regni Proceres: B. JOHANNIS Canonizationem peroptantes, communibus votis & postulationibus apud Prædecessores Nostros instissent, atq; etiamnum apud Nos carissimus in Christo Filius Noster Stanislaus Augustus Poloniæ Rex Illustris, & dilecti quoq; Filii ejusdem Regni Magnates, præsertim Ecclesiastici, Cracoviensis Senatus & Academiæ ejusdem Civitatis Collegæ omnes, & Professores iteratis precibus instarent, ut ultimam deniq; sententiam ferremus super tantopere optata Beati Viri Canonizatione; ut more, institutoq; Prædecello.

decessorum Nostrorum tanti momenti rem perage-
remus, Universi primum Collegii eorundem Vene-
rabilium Fratrum Nostrum S. R. E. Cardinalium in
Consistorio secreto die xxvii. Aprilis proxime ela-
psi coram Nobis congregatorum consilium audien-
dum duximus: Isq; postquam de serie totius cau-
sæ ad plenum instructi fuerant, adhortantibus Nos
ad illius absolutionem, nedum probantibus, nihil
amplius cunctandum rati, Venerabiles Fratres Ar-
chiepiscopos, & Episcopos, non modo propinquo-
res, sed remotiores etiam per Italiam degentes ad
Urbem convocandos curavimus, ut Nobis de Beati
JOHANNIS CANTII, necnon Beatorum JOSEPHI
CALASANCTII à MATRE DEI, JOSEPHI à
CUPERTINO, HIERONYMI ÆMILIANI, SE-
RAPHINI à MONTE GRANATIO ab ASCULO
denominati, & JOHANNÆ FRANCISÆ FRE-
MIOT de CHANTAL solemnè Canonizatione,
quam sibi Deus inspirasset, sententiam declararent.

Præterea, ut eximie B. JOHANNIS virtutes, &
probata Miracula, necnon in totius causæ discussio-
ne adhibitæ cautiones notæ omnibus fierent, narrati-
onem illarum ex authenticis documentis haustam,
& diligenter in compendium redactam, typisq; vul-
gatam Patribus omnibus suffragaturis exhiberi man-
davimus. Mox indicto coram Nobis Consistorio
publico die vii. Maji vertentis anni, & adstante
universo Ecclesiasticorum Ordinum, & Collegiorum
cetu,

cætu, præcepimus, ut dilectus Filius Alexander Litta
nostræ consistorialis Aulæ Advocatus virtutes & mi-
racula B. JOHANNIS oretenus palam exponeret.
Demum convocatis die prima Junii proxime præ-
teriti in Consistorio semipublico eisdem S. R. E. Car-
dinalibus, necnon Patriarchis, Archiepiscopis, & E-
piscopis qui in Urbe convenerant, ab iis quasivimus
an ad B. JOHANNIS CANTII Canonizationem de-
veniri posse censerent. Ipsi tunc summa animorum
consensione, pluribus gravibusq; rationibus, in affir-
mativam sententiam ire comperti sunt. Quocirca
à dilectis quoq; Filiis Apostolicæ Sedis Notariis pu-
blica instrumenta confici, & suffragiorum ipsorum
exempla à singulis subscripta in Tabularium Eccle-
siæ Romanæ inferri mandavimus.

Ut autem à Deo Optimo Maximo, quid ei pla-
citurum esset dilucide agnosceremus, publicas quoq;
Orationes, & dies Generalis Jejunii per Urbem in-
diximus, & tres Patriarchales Basilicas designavi-
mus, in quibus Sanctissimum Eucharistiæ Sacramen-
tum publicæ Fidelium adorationi per triduum ex-
poni jussimus, omnes hortando, ut postquam Sacra-
mentali Confessione expiati, & Christi Corpore re-
fecti fuissent, in una saltem ex dictis Basilicis O-
mnipotentem Deum ad impetrandum Nobis Spiri-
tum sapientiæ, & intellectus, quo duce manifesta
fieret illius voluntas, nobiscum precarentur, Indul-
gentia ad id plenaria, & peccatorum remissione

concessa. Nos quoq; ipsi, præter eas, quas privatum fuderamus assiduas, & plenas humilis fiducia preces, publicas quoq; in tribus designatis Basilicis addendas curavimus, in quo quidem non sine tenore quodam pietatis sensu, atq; animi nostri in Domino exultatione spectavimus, quanta esset Romani hujus Populi Religio, ac pietas, cum ex omni conditione, atq; ordine ad easdem Basilicas convenissent; ac sua de solemniori cultu BEATIS decernendo, vel tacentes, præfervida vota depromerent.

Demum hac die Sacra Beatissimæ Virgini Mariæ de Monte Carmelo, qua die Coronationis Nostræ annua redeunt solemnia; in Basilica Principis Apostolorum splendidè, & magnificè ornata, ad quam servata supplicationis publicæ forma Nos præcellerunt omnes Cleri sæcularis & Regularis Ordines, & Ministrorum Romanæ Curia Collegia, una cum Venerabilibus Fratribus Nostris S.R.E. Cardinalibus, necnon Patriarchis Archiepiscopis, & Episcopis; Priusquam Immaculatam Hostiam solemniter Novæ Legis Sacrificio Omnipotenti Deo offerremus; instante iterum iterumq; dilecto Filio Nostro Carlo Tituli Sancti Clementis S.R.E. Presbytero Cardinali Rezzonico nuncupato ejusdem S.R.E. Camerario, ad Canonizationem impetrandam Procuratore constituto; decantatis Sacris Ecclesiæ Precibus, ut Deiparæ Virginis, Angelorum, & Sanctorum Omnium cum Christo regnantium intercessione, Divinam

vinam opem imploraremus, ac Paraclyto Spiritu-
cum gemitibus, ut adesset invocato, ad honorem-
Sanctæ & Individuæ Trinitatis, ad exaltationem Fi-
dei Catholicæ, & Christianæ Religionis augmentum,
Autoritate Domini Nostri Jesu Christi, Beatorum
Apostolorum Petri & Pauli, & Apostolicæ Autho-
ritatis plenitudine, ac de Venerabilium Fratrum-
Nostrorum S.R.E. Cardinalium, Patriarcharum, Ar-
chiepiscoporum, & Episcoporum in Urbe existentium
consilio, & assensu, ipsum B. JOHANNEM CAN-
TIUM Sacerdotem Sæcularem una cum BEATIS
JOSEPHO CALASANTIO à MATRE DEI,
JOSEPHO à CUPERTINO, HIERONYMO ÆMI-
LIANI, SERAPHINO à MONTE GRANARIO ab
ASCULO denominato, & JOHANNA FRANCISCA
FREMIOT de CHANTAL; Sanctum esse decre-
vimus, definivimus, ac Sanctorum Cathalogo ad-
scripsimus, illumq; ab Universis Christi Fidelibus,
tanquam vere Sanctum, Religioso Cultu honorari
mandavimus, prout etiam tenore præsentium, defi-
nimus, decernimus, & declaramus: Statuentes, &
concedentes, ut ab Universali Ecclesia in ejus ho-
norem Ecclesiæ, & Altaria, in quibus Sacrificia Deo
offerrantur ædificari & consecrari, & singulis annis
præscripta die XIX. Mensis Octobris Ipsius S. JO-
HANNIS CANTII inter Sanctos Confessores ab Ec-
clesia memoria recoli possit. Eademq; Authorita-
te, omnibus Christi Fidelibus, qui eadem die annis

singulis ad Sepulchrum, in quo Corpus Ejusdem S. JOHANNIS requiescit, visitandum accesserint, perpetuo septem annos, & totidem quadragenas de injunctis eis, aut alias quomodolibet debitis penitentibus misericorditer in domino in forma Ecclesiæ consueta relaxamus.

Sub hæc Æternum Patrem, Regemq; gloriæ Christum Dominum Patris Sempiterni Filium, & Sanctum Paraclytum Spiritum, unum Deum, ac Dominum cum debita gratiarum actione venerati, omnibusq; Christi Fidelibus ibi præsentibus plenariâ peccatorum remissione, & Indulgentiâ concessâ, supra Beati Petri Confessionem, Sacrosanctum Missæ Sacrificium solemniter celebravimus, facta eorundem Sanctorum speciali commemoratione.

Cæterum, si inter illustres, quibus vera Ecclesia dignoscitur, notas, non postrema est divinitus patefacta & testata sanctitas eorum, qui è quovis Ordine, & Statu in illa floruerunt; æquum omnino, & pietati consentaneum est, ut gratias Deo Patri per Christum Jesum agamus, quod illi placuerit ex eo thesauro, unde quotidie profert nova & vetera, tot, ac tantas gratiæ suæ divitias in Sanctum JOHANNEM CANTUUM effundere, easq; deinde ad ornamentum, ac decus Ecclesiæ suæ palam facere per miracula, quæ ad Solemnem tam insignis SERVI Sui Canonizationem viam, atq; aditum aperuerunt. Est præterea quod gratulemur inclytæ Polonicæ Nationi,

ni, quæ, cum pietati præ cæteris maxime addicta sit, non potest certe non summo exultare gaudio, quod in tanta rerum perturbatione, tantoq; Religionis discrimine, novum hoc sibi præsidium accellerit, quo egregia, & generosa suorum indoles magis magisq; nullis perterrefacta periculis, Romanam Fidem adversus finitimos tum Hæreticos, tum Schismaticos, & arcte retineat, & fortiter ut semper magna cum laude præstitit, ad sanguinem usq; tueatur. Academia verò Cracoviensis in hunc olim alumnum, nunc Patronum suum, quoties oculos defiget (defiget autem quotidie) propositum sibi præclarissimum videbit exemplar, unde illius Magistri & Doctores, & bene docere, & recte facere discant; dum JOHANNES defunctus adhuc loquitur, atque ad omne virtutis officium hortatur.

Quoniam vero, hisce omnibus de more peractis, idem Carolus Cardinalis & Procurator designatus, à Nobis, quo par erat obsequio postulavit, ut Apostolicas Nostras literas in gestorum omnium perenne monumentum decerneremus; Nos petitioni perquam libenter annuentes, præsentis nostras Literas edi, & palam fieri demandavimus: Statuentes earundem exemplis etiam impressis ab aliquo ex Notariis publicis subscriptis, & Sigillo Personæ in Ecclesiastica dignitate constitutæ munitis, eandem prorsus fidem ab omnibus adhiberi, quæ ipsis originalibus literis adhiberetur, si exhibitæ, vel ostensæ forent.

Nulli

Nulli ergo omnino hominum liceat paginam
hanc nostræ definitionis, Decreti, adscriptionis, man-
dati, statuti, concessionis, relaxationis, & volunta-
tis infringere, vel ei ausu temerario contraire; si-
quis autem hoc attentare præsumperit, indignatio-
nem Omnipotentis Dei, ac Beatorum Petri & Pauli
Apostolorum ejus se noverit incursum.

Datum Romæ apud Sanctum Petrum, Anno In-
carnationis Dominicæ MDCCLXVII. Decimosepti-
mo Kalendas Augusti, Pontificatus Nostri Anno
Decimo.

✠ Ego Clemens Catholicæ
Ecclesiæ Episcopus.



- ✠ Ego C. A. Episcopus Ostien: & Veliternens. Card: Cavalchini Sacre Collegii Decanus.
✠ Ego F. M. Episcopus Portuen: & S. Rufina Card: Lantes.
✠ Ego J. F. Episcopus Sabinen: Card: Albani.
✠ Ego H. Episcopus Tusculan: Card: Dux Eboracensis! S. R. E. Vice-cancellarius.
✠ Ego F. Episcopus Albanen: Cardinalis Serbellonus.)

✠ Ego J. F. Episcopus Pranestini Cardus Sruppanius.

✠

✠

✠

✠

✠

✠

✠

✠

✠

✠

✠

✠

✠

✠

✠

Ego G. Tit: S. Clementis Presbyter Card: Rezzonico S. R. E. Ca-
merarius.

✠

✠

✠

✠

✠

Ego J. M. Tit: S. Alexii Presbyter Card: Castelli.

✠

✠

Ego C. Tit: S. Petri ad Vincula Presbyter Cardinalis Elephantinus.

✠

Ego P. H. Tit: SS^{ae} Trinitatis in Monte Pincio Presbyter Cardus
Guglielmi.

✠

Ego P. P. Tit: S. Stephani in Monte Calio Presbyter Card: de Corni-
tibus.

✠

✠

Ego Fr: L. Basilica Sanctorum XII. Apostolorum Presbyter Cardinalis
Ganganelli.

✠

Ego M. A. Tit: Sancta Maria de Pace Presbyter Cardinalis Columna.

✠

✠

✠

✠

✠

✠

✠

✠

- ✠ Ego S. Tit: S. Joannis ante Portam Latinam Presbyter Card: Buonae-
corfi.
- ✠ Ego J. C. Tit: SS. Joannis & Pauli Presbyter Cardin: Boschi Major
Panitentiarium.
- ✠ Ego L. Tit: S. Anastasia Prhsbyter Card: Calinus.
- ✠ Ego A. Tit: S. Maria in Via Presbyter Cardin: Columna Branciforti.
- ✠ Ego P. Tit: S. Maria Transyberim Presbyter Cardinalis Pamphilius.
- ✠ Ego Ph: M. Tit: S. Chrisogoni Presbyter Card. Pirellius.
- ✠ Ego A. Sancte Mariae in Via-Lata Prior Diaconorum Cardin: Albanus.
- ✠ Ego N. S. Eustachii Diaconus Card: Corsinius.
- ✠ Ego D. Sancte Mariae ad Martyres Diaconus Card Ursinus.
- ✠ Ego Fl: Sancte Mariae in Porticu Diaconus Card: Chisus.
- ✠ Ego A. M. Sancte Agathe ad Suburam Diaconus Cardinalis Torrigiani.
- ✠ Ego J. C. Sancti Casarei Diaconus Card: Caracciolus de Sancto Bono.
- ✠ Ego N. S. Georgii in Velabro Diaconus Card: Perrelli.
- ✠ Ego A. Sancti Angeli in Foro Piscium Diaconus Cardinalis Corsinius.
- ✠ Ego A. Sanctorum Viti & Modesti Diaconus Cardinalis Nigronus.
- ✠ Ego Ae: S. Sancti Adriani Diaconus Card: Piccolomineus.
- ✠ Ego X. Sancte Mariae de Scala Diaconus Card: Canale.
- ✠ Ego B. Sanctorum Cosma & Damiani Diaconus Cardinalis Veterani.
- ✠
- ✠
- ✠
- ✠
- ✠
- ✠
- ✠
- ✠

C. Card. Pro-Datarius. A. Card: Nigronus.
V I S A
De Curia J. Manassei.

L. Eugenius.

Loco ✠ Plumbi.
Registrata in Secretaria Brevium.

ac-

ijor

rti.

ni.

ani.

no.

Biblioteka Jagiellonska



stdr0026067

